

桐梓縣志卷十三

軍務志

軍事上

世不能有治而無亂國不能有民而無兵承平世界且設武備矧  
內亂未平外患迭起盪平匪寇舍兵莫能此軍務之所由始也桐  
梓在平播前軍務若何僅詳大概建設縣後孫白過境而流賊橫  
行姚黃犯邊而餘黨肆擾楊逆鄒逆倡亂於前粵軍號匪交乘於  
後清咸同時地方不靖湘勇川兵協同兜勦糜爛十年始告結束  
甫及民國干戈四起外援川省內遭滇軍兵去匪來不堪騷擾定  
黔甫去靖黔復起直至全黔統一而桐梓始有今日之景象自茲  
以還黨義以三民為重縱有兵警想不若從前之劇烈矣志軍務  
唐虞

桐梓縣志卷七

軍務志上

十二

黔西鉛石印刷局代印

堯克三苗於丹水之浦以服南蠻

竹書紀年注

舜命禹征有苗七旬乃

格

尙書

夏殷

禹奉命征有苗後成湯化異俗而懷鬼方

匡衡疏

高宗三十二祀伐

鬼方三年克之

書

周

武王伐紂巴渝之師歌舞以凌殷人倒戈周書所載彭人濮人亦  
各率其國以從

按巴即今之巴縣彭即今之彭水濮即古之百濮今之黔東

黔北一帶地(海內南經)所謂賓巴彭濮(南中志)所謂夷

濮阻城是已

宣王時南蠻叛王命方叔伐之

詩



平王元年秦禦有蠻氏之戎是年晉文侯率蔡共侯擊蠻破之

詳通志

慎觀王五年秦惠文王九年秦滅蜀并巴苴取之初秦惠文王與蜀為

好蜀王弟苴私親於巴巴蜀世戰爭周慎王五年蜀伐苴苴侯

奔巴為求救於秦秦惠文王遣張儀司馬錯救苴巴遂伐蜀滅

之儀貪苴巴之富因取巴執王以歸置巴蜀及漢中郡分其地

為二縣華陽國志

赧王五年秦武王誅蜀相壯史記表六

按赧王元年秦惠王封子通國為蜀侯以陳壯為相置巴郡

以張若為蜀國守戎伯尙強乃移秦民萬家實之三年分巴

蜀置漢中郡六年陳壯反殺蜀侯通國秦遣庶長甘茂張儀

司馬錯復伐蜀誅陳壯華陽國志

桐梓縣志卷七

軍務志上

十三

黔南鉛石印刷局代印

三十五年秦昭王使白起伐楚略取蠻夷始置黔中郡

三十八年當楚頃襄王三十三年秦昭王三十年楚將莊躄克夜郎滇池欲歸報會

秦奪楚黔中地道塞遂王滇

史記西南夷傳西南夷君長以什數夜郎最大其西靡莫

之屬以什數滇最大皆魼結耕田有邑聚巴蜀西南徼外蠻

夷也始楚威王時使將軍莊躄將兵循江上略巴蜀黔中以

西莊躄者故楚莊王苗裔也躄至滇池地方三百里旁平地

饒數千里以兵威定屬楚欲歸報會秦擊奪楚巴黔中郡道

塞不通因還以其衆王滇變服從其衆以長之漢書

華陽國志南中在昔蓋夷越之地滇濮句町夜郎侯王國

以十數編髮左衽隨俗遷徙莫能相雄長周之季世楚威王

遣將軍莊躄沂沅水出苴蘭以伐夜郎植牂柯繫船因名苴



蘭爲牂柯國分侯支黨傳數百年黃志同

（後漢書西南夷傳）楚頃襄王時遣將莊豪從沅水伐夜郎軍至苴蘭楸船於岸而步戰既滅夜郎因留王滇池以苴蘭有楸船牂柯處乃改其名爲牂柯

按史記止言莊躋略巴黔中以西言躋伐夜郎自常氏始以史漢言南夷君長夜郎最大推之意自春秋以後所謂夜郎旁小邑如苴蘭漏臥等國必皆受夜郎屬制漢孰與之大不待見漢使已如此矣自其地所屬言之則有苴蘭諸國范氏所謂國各立君長者也統言之則止是夜郎故范氏謂其國東接交趾西有滇國北有邛都然則躋略巴黔中以西直至滇池皆夜郎國地當時躋桐各屬地在夜郎國之東北於苴蘭僅隔一延江躋之兵威未有不及者其時地之屬躋可知

桐梓縣志 卷七 軍務志上

十四 黔南鉛石印刷局代印

秦 矣至唐時桐梓縣襲夜郎爲名豈無因而襲此舊稱乎參黃志何草志

始皇三十三年略取南越地置象郡黃志引通鑑

按南越卽百越亦曰楊越俱見史記（漢書注云）南越芋姓與楚同祖（國語）曰芋姓夔越是已（山海經云）沅水出象郡此條據畢氏考證爲漢人水經并非三代舊文是知今之平越都勻皆古越地秦之象郡卽漢昭帝紀元鳳五年有罷象郡分屬鬱林牂柯之文是其明證（華陽國志）言蜀國地南接於越東接於巴越卽自象郡分爲牂柯地參稽諸說可見今貴陽以南古越國之西北境東象郡之東北境貴陽以西北南蜀國秦蜀郡之東南境至漢始漸割歸牂柯耳黃志桐梓縣地當越之北巴之南舊爲牂柯所屬不問而知在取地



中矣

漢

武帝元光五年通南夷置犍為郡營縣符縣隸之郡治營通鑑

按(黃志引通鑑輯覽注)營今遵義府遵義縣地是夜郎今貴州以西南籠諸府地古為夜郎國漢武開拓南邊始置縣唐始移縣於珍州今遵義縣桐梓縣是符縣接營之西北境今貴州之仁懷四川之合江是其地路史以營為營令國

夏發巴蜀治南夷道黃志引漢書武帝紀

(史記)建元六年大行王恢擊東越本紀在六年八月東越殺王郢以

報恢因兵威使番陽令唐蒙風指曉南越漢書越傳南越食蒙

枸醬蒙問所從來曰道西北牂柯江廣數里至番禺城下蒙歸至長安問蜀賈人賈人曰獨蜀出枸醬多持竊出市

桐梓縣志

卷七 軍務志上

十五

黔南石印局代印

夜郎夜郎者臨牂柯江江廣百餘步足以行船南越以財物役屬夜郎西至桐師然亦不能臣使也蒙乃上書說上曰南越王黃屋左纛地東西萬里名為外臣實一州主也今以長沙豫章往水道多絕難行竊聞夜郎有精兵可得十餘萬浮船牂柯江出其不意此制越一奇也誠以漢之強巴郡之饒通夜郎道為置吏甚易上許之乃拜蒙為中郎將將兵千人食重萬餘人從巴蜀笮關入漢書從巴笮關入遂見夜郎侯多同蒙厚賜諭以威德約為置吏使其子為令夜郎旁小邑皆貪漢繒帛以為漢道險終不能有也乃且聽蒙約還報乃以為犍為郡發巴蜀卒治道自犍道指牂柯江蜀人司馬相如亦言西夷印笮可置郡使相如以郎中將往諭皆如南夷為置一都尉十餘縣屬蜀當是時巴蜀四郡通西南夷道成轉相饒數



歲道不通土罷餓餒離暑濕死者甚衆西南夷又數反發兵  
興擊耗費無功上患之使公孫宏往視問焉還對言其不便  
及宏爲御史大夫時方築朔方據河逐胡宏因數言西南夷  
害可且罷專力事匈奴上罷西夷獨置南夷夜郎兩縣一都  
尉稍令犍爲自保就

漢書

武帝因文景之蓄卽位數年蕭然繁費唐蒙司馬相  
如始開西南夷鑿山通道作者數萬人千里負擔餽餼率十  
餘鍾致一石散幣於邛犍以輯之數歲而道不通蠻夷因以  
數攻吏吏發兵誅之悉巴蜀租賦不足以供之乃募豪民田  
南夷入粟縣官而內受錢於都內

史記司馬相如傳爲郎數歲會唐蒙使略通夜郎西犍中發  
巴蜀吏卒千人郡又多爲發漕萬餘人用軍興法誅其渠帥

桐梓縣志

卷七

軍務志上

十六

監南鉛石印局代印

巴蜀民大驚恐上聞之乃使相如責唐蒙等因諭告巴蜀民  
以非上意相如還報已略通夜郎因通西南夷道發巴蜀廣  
漢卒作者數萬人治道二歲道不成士卒多物故費以巨萬  
計蜀民及漢用事者多言其不便是時邛笮之君長聞南夷  
與漢通得賞賜多多欲願爲內臣妾請吏比南夷天子問相  
如相如曰邛笮冉駹者近蜀道亦易通秦時常通爲郡縣至  
漢興而罷今誠復通爲置郡縣愈於南夷天子以爲然乃拜  
相如爲中郎將往使副使王然于壺充國呂越人馳四乘之  
傳因巴蜀吏幣物以賂四夷長卿使略定西夷笮笮冉駹斯  
榆之君皆請爲內臣除邊關關益斥西至沫若水南至牂柯  
爲徼通零關道橋孫水以通邛都還報天子大悅

元鼎五年夏四月南越王相呂嘉反

漢書武帝紀



按（史記西南夷傳）上使馳義侯因犍爲發南夷兵且蘭石  
恐遠行旁國虜其老弱乃與其衆反漢乃發巴蜀罪人嘗漢書

嘗作擊南越者八校尉擊破之至六年冬越已破漢八校尉

不下卽引兵還行誅隔滇道者且蘭斬首數萬遂平南夷爲

牂柯郡夜郎侯始倚南越南 已滅會還誅反者遂入朝上

以爲夜郎王滇王離難西南夷亦舉國降西南夷君長以白

數獨夜郎滇受王印黃志

（華陽國志）有竹王香興於遯水有一女子浣於水濱有二

節大竹流入女子足間推之不肯去聞有兒聲破之得男長

有才武遂雄夷狄以竹爲姓捐竹於野遂成竹林今竹王祠

竹林是也王與從人嘗止大石上命作羹從者曰無水王以

劍擊石水出今王水是也後漸驕恣武帝拜唐蒙爲都尉聞

桐梓縣志 卷七 軍務志上

牂柯以重幣諭告諸種侯王侯王服從因斬竹王置牂柯郡  
以吳霸爲太守後夷濮阻城咸怨詆竹王非血氣所生求立  
後嗣霸表其二子列侯死配食父祠今竹王三郎神是也下黃

同志

按夜郎國東接交趾西有滇國北有邛都國爲蜀郡徼外大

國西南夷傳牂柯郡治故且蘭侯邑卽今平越州通鑑

元狩元年遣博望侯張騫因蜀犍爲發間使四道並出指求身

毒國於是始通滇復事西南夷通鑑

按（漢書張騫傳）騫曰臣在大夏時見邛竹杖蜀布問安得

此大夏國人曰吾賈人往市之身毒國身毒國在大夏東南

可數千里其俗土著與大夏同而卑濕暑熱其民乘象以戰

其國臨大水焉以爲度之大夏去漢萬二千里居四南今身



毒又居大夏東南數千里有蜀物此其去蜀不遠矣今使大夏從羌中險羌人惡之少北則爲匈奴所得從蜀宜徑又無寇天子既聞大夏之屬皆大國多奇物土著頗與中國同俗而兵弱貴漢財物誠得而以義屬之則地廣萬里威德徧四海帝以蹇言爲然乃令因罽犍爲發問使並出驢出柁出徒叩出棘四道皆各行一二千里其北方閉氏柁南方閉昆明昆明之屬無君長善寇盜輒殺略漢使終莫得通然聞其西可千餘里有乘象國名滇越而蜀賈問出物者或至焉于是漢以求大夏道始通滇國

又（史記西南夷傳）張騫使大夏歸天子乃令王然于柏始昌呂越人等使問出西夷西指求身毒國至滇滇王嘗羌乃留爲求道而十餘輩歲餘皆閉昆明莫能通身毒國滇王與

桐梓縣志

卷七

軍務志上

十八

西南銘在印局代印

漢使者言曰漢孰與我大及夜郎侯亦然以道不通故各自以爲一州主不知漢之廣大使者還因盛言滇大國足事親附天子注意焉

漢書同

元封二年六月遣將軍郭昌中郎將魏廣發巴蜀兵西平南夷未服者遂分牂柯置益州郡自元年分犍爲置牂柯自此犍爲來屬牂柯今之桐梓原屬犍縣皆牂柯郡地

黃志引漢武帝紀華陽國志

之

西南夷傳

元年夏益州廉頭姑繪民反殺長史牂柯談指同並二十四邑皆反遣水衡都尉呂破胡募吏民及發犍爲蜀郡犇命擊益州大破之應邵曰舊時郡國皆有材官騎士以赴急難今夷反兵常不足以討之故權選取精勇聞命奔走故謂之奔命

黃志引漢書武帝紀



成帝河平元年誅夜郎王興旁國皆降

(漢書)河平中夜郎王興與鉤町王禹

按本書紀云始元六年其邑

君長人民擊反者斬首功其立王波為鉤町王

漏臥侯愈更舉兵相攻牂柯太守請發兵

誅興等遣大中大夫張匡持節和解興等不從命刻木象漢吏立道旁射之杜欽說大將軍王鳳曰大中大夫匡使和解蠻夷王侯受詔已復相攻輕易漢使不憚國威其效可見恐議者選更復守和解太守察動靜有變乃以聞如此則復曠一時王侯得收獵其衆深固其謀黨助衆多各不勝忿必相殄滅自知罪成狂犯守慰遠藏溫暑毒草之地雖有孫吳將賁育士若入水火往必隹沒知勇亡所施屯田守之費不可勝量宜因其罪惡未成未疑漢家加誅陰敕旁郡守尉練士馬大司農豫調穀積要害處師古曰在我為敵為害我選任職太守

桐梓縣志

卷七 軍務志上

十九

重刊不印局代印

往以秋涼時入誅其王侯尤不軌者即以為不毛之地無用之民聖王不以勞中國宜罷郡放棄其民絕其王侯勿復通如因先帝所立累世之功不可墮壞亦宜因其萌芽早斷絕之及已成形然後戰師則百姓被害大將軍鳳於是薦金城司馬陳立為牂柯太守立前為連然長不韋令蠻夷畏之及至牂柯諭告夜郎王興興將數千人往至亭從邑君數十人入見立立數責因斷頭邑君曰將軍誅亡狀為民除害願出贖士衆以興頭示之皆釋兵降鉤町王禹漏臥侯愈震恐入粟千斛牛羊勞吏士立還歸郡興妻父翁指與興子邢務收餘兵迫脅旁二十二邑及至冬立奉募諸夷與都尉長史分將攻翁指等翁指據拒為壘立使奇兵絕其饌道縱反間以誘其衆時天大旱立攻絕其水道蠻夷共斬翁指持首出降



新莽

王莽篡位變更漢制改益州為庸部改牂柯曰同亭郡貶鉤町王以為侯王邯怨恨牂柯太守周欽按莽傳作周歆詐殺邯邯弟承攻殺欽州郡擊之不能服三邊蠻夷愁擾盡反復殺益州大尹莽遣平蠻將軍馮茂發巴蜀犍為吏士賦歛取足於民以擊益州出入三年疾疫死者什七巴蜀騷動莽徵茂還誅之更遣寧始將軍廉丹與庸部牧史熊大發天水隴西騎士廣漢巴蜀犍為吏民十萬人轉輸者合二十萬人擊之始至斬首數千其後軍糧前後不相及士卒饑疫三歲餘死者數萬參黃志同志下何

東漢

（華陽國志）王莽更牂柯為同亭郡不服會至公孫述時大

桐梓縣志

卷七

軍務志上

二十一

黔南鉛石印局代印

姓龍傳尹董氏與郡功曹謝暹保境為漢乃遣使從番禺江奉貢光武嘉之並加褒賞何志

靈帝中平元年黃巾賊攻下犍為巴郡尋破滅之黃志引華陽志

獻帝建安十九年先主定蜀南中志趙雲自江州分定江陽犍為

華陽國志公孫志

蜀漢

昭烈章武元年以李恢為庾降都督治平夷

後帝建興元年夏牂柯太守朱褒擁郡反應雍闓黃志引三國志

（三國志註）初益州從事常房行郡聞褒將有異志收其主簿案問殺之褒怒攻殺房誣以謀反諸葛亮誅房諸子徙其四弟於越嶲欲以安之褒猶不悛改遂以郡叛應雍闓臣松之案以為房為褒所誣執政所宜澄察安有妄殺不辜以悅



奸慝斯殆妄矣

二年南蠻反李恢擊敗之

三年丞相諸葛亮南征以牂柯蠻長濟濟火為先鋒所至皆捷  
亮南征曰安上由水路人越雋而別遣馬忠伐牂柯李恢向  
益州高定元自旄牛定笮多為壘守亮欲俟定元車衆集合  
並計之軍卑水定元部曲殺雍闓孟獲代闓為主亮既斬定  
元而馬忠破牂柯夏五月亮渡瀘征益州生虜孟獲赦使還  
合軍更戰是七虜七赦獲等心服曰明公天威也邊民長不  
為惡矣秋遂平四郡改益州為建寧又分建寧牂柯為興古  
郡以馬忠為牂柯太守黃志引華  
延熙八年涪陵夷反車騎將軍鄧芝討平之晉志涪陵即夷費  
思播黔五州之地  
十一年南夷豪帥劉胄反馬忠討斬之

桐梓縣志

卷七

軍務志

一一一

蜀南鉛石印刷局代印

都督常重用人李恢卒後以蜀郡太守張翼為都督翼持嚴  
法不得殊俗和夷帥劉胄反徵翼以馬忠為代忠未至翼修  
攻戰方各資儲羣下懼翼曰吾方臨戰場豈可以黜退之故  
廢公家之務乎忠至承以滅胄蜀賜翼爵關內侯黃志引  
南中志

晉

武帝太康四年夏六月牂柯獠二千餘落內附

十年十二月西南夷二十餘國來獻虜

並漢書  
武帝紀

惠帝太安元年秋李毅為南夷校尉建寧太守杜俊朱提太守

雍約為亂無毛詵李猛等所逐衆數萬毅討破之

南中

太安二年李雄克成都蜀人流散南入牂柯等七郡

晉書  
龜紀

懷帝永嘉元年夏五月建寧郡夷攻陷寧州

晉書  
本紀

四年以王遜為寧州刺史



南夷校尉李毅故吏毛孟等詣洛求救朝廷以廣漢太守魏興王遜為南夷校尉寧州刺史代毅自永嘉元年受除四年乃至時荒亂後倉無斗粟衆無一旅惡衣菜食招集夷民夷徼厭亂漸亦返善以五茶夷昔為亂首圖討之未  
黃志引華陽國志  
有致罪會夷發夜郎莊王墓遜因此遂討滅之  
晉書列傳永嘉四年治中毛孟詣京師求刺史不見省孟固諫曰君亡親喪幽閉窮城萬里訴哀不垂愍救既慙包胥無哭秦之感又愧梁妻無崩城之驗存不若亡乞賜臣死朝廷憐之乃以遜為南夷校尉寧州刺史使于郡便之鎮遜與孟俱行道遇寇賊踰年乃至外逼李雄內有夷寇吏士散沒城邑邱墟遜披荒糾厲收聚離散誅豪右不奉法者數十家征伐諸夷俘馘千計於是莫不振服咸行

桐梓縣志

卷七

軍務志上

一三一

黔南不印局代印

寧土

愍帝建興四年夏五月平夷太守雷炤害南廣太守孟桓北降李雄  
晉書本紀  
永昌元年李驥等寇寧州刺史王遜遣將姚岳拒戰於堂狼大破之遜以岳不窮追鞭之怒甚冠裂而卒

二年梁水太守爨亮益州太守李湯以興古叛降於李雄三年以尹奉為寧州刺史募徼外夷刺爨亮殺之諭降李湯咸和二年正月寧州秀才龐遺起義兵攻李雄將任回李謙等雄遣其將羅恒費黑來救寧州刺史尹奉遣裨將姚岳朱提太守楊術援遺戰於登臺岳等敗績術死之

八年正月李雄將李壽陷寧州刺史尹奉建寧太守霍彪並

降於雄

北通志上同



咸康二年冬十月廣州刺史鄧嶽遣督護王隨擊夜郎新昌太守陶協擊興古並克之

五年春三月乙丑鄧嶽伐蜀建寧人孟彥執李壽將霍彪以降

夏四月辛未征西將軍庾亮遣參軍趙松擊巴郡江陽獲石

季龍將李閔黃桓等

並通志黃志同

寧康元年十一月苻堅取梁益二州邛笮夜郎皆附於秦太

和中苻堅為姚興所殺二州復為晉有

通志

### 宋

元嘉十八年十二月晉寧太守爨松子叛寧州刺史徐循討平之

二十八年沿江蠻為寇遣太子步兵校尉沈慶之等伐之

### 桐梓縣志

#### 卷七

軍務志上

一三二

黔南鉛石印刷局代印

### 南齊

武帝永明三年秋七月丁亥以驃騎中兵參軍董巒為寧州刺史被北魏兵所執

(魏書高祖紀)太和十九年正月南將軍王肅頻破蕭鸞將擒其寧州刺史董巒

和帝中興元年三月壬子以征虜將軍柳惔為益寧二州刺

### 史

南齊書本紀

### 梁

武帝大同十一年以徐文盛為寧州刺史

文盛父慶之仕魏為將天監初率千餘人自北歸未至道卒文盛仍統其眾稍立功績高祖甚優寵之大同末持節

督甯州

梁書列傳南史畧同



周

保定二年蠻獠蠡反詔開府陸騰討平之

按本傳騰量山川形勢隨便開道蠻獠畏威承風請服所  
開路之多得古銘並是諸葛亮桓溫舊道

隋

開皇三年爨翫遣使朝貢置恭州命韋冲以兵戍之志通

十七年爨翫叛以史萬歲為行軍總管擊平之諸蠻大懼請

降志通

唐

太宗貞觀八年開拓南蠻於榮懿縣立溱州太平御覽引十道志

(元和志)貞觀十六年有渝州萬壽縣人牟智才上封事  
請於西南夷資渝之界招慰不庭建立縣至十七年置即

桐梓縣志 卷七

軍務志上

二四

黔南鉛石印刷局代印

今扶歡壩地或謂青羊市即榮懿縣舊治

高宗顯慶元年矩州人謝無靈反黔州都督李子和討平之

志通

元宗天寶九年十月南詔閣羅鳳反取夷州上同

宰相楊國忠兼劍南節度使以牂柯酋長趙國珍有戰功

授黔中都督屢敗南詔護五溪天下方亂其部獨甯唐書南蠻傳

傳

憲宗元和六年閏月辛卯辰叙州首領張伯靖反寇播費二

州

八年四月己亥黔中經略使討張伯靖

五月癸亥荆南節度使嚴綬討張伯靖

七月己巳劍南東川節度使潘孟陽討張伯靖



八月辛巳湖南觀察使柳公綽討張伯靖丁未伯靖降均上唐

紀書

元和中辰淑蠻酋張伯靖嫉本道督歛苛刻聚眾叛侵播費二州黔中經略使崔能湖南觀察柳公綽討之三歲不能定伯靖上表請隸荆南乃降崔能內恨之更請調荆南湖南桂管軍為援約西原十洞兵皆出可以成功公卿議者皆以為便宰相李吉甫曰伯靖挾怨而叛壓以大兵而招之可不戰自定乃令能兵無出獨詔巋綬招伯靖率家屬詣江陵降南蠻（通志）書辰叙蠻寇播費在天寶六年誤

宣宗大中十三年冬十一月南詔僭號寇陷播州

初韋皋開清溪道以通羣蠻使入貢又選羣蠻子弟聚成

桐梓縣志卷七軍務志上

一五 黔南鉛石印刷局代印

都教書數以羈縻之既而軍府厭於廩給又蠻使入貢利於賜與所從僦人浸多杜棕奏減其數南詔豐祐怒入貢不時頗擾邊境豐祐死子曾龍立朝廷以名近元宗諱不行册禮曾龍乃自稱皇帝改國號大禮遣兵陷播州通鑑綱目

按楊升菴南詔野史云大中已卯南詔豐祐陷播州咸

通庚辰南詔世隆唐書作會龍絕朝貢寇播州與史不應豈

別有據歟黃志

懿宗咸通元年十月安南都護李鄴克播州唐書

播州屬黔中道大中十三年為雲南所陷此非安南道屬也李鄴越境收復殺蠻酋杜守澄欲以為功而不知蠻兵

乘虛已陷安南也通鑑注

僖宗乾符三年太原楊端應募取播州克之黃志引孫陳志



南詔陷播李鄴復之尋仍為所陷乾符初太原人楊端應募領兵復之世為州刺史通志

昭宗乾寧三年黔南觀祭使王肇以其地降於王建昭宗詔建罷兵還成都

年遣四王宗侃宗阮等取渝瀘州建自將攻東川昭宗詔建罷兵不奉詔乃責授建南州刺史以上均五代史前蜀世家

按昭宗天復三年封建蜀王天祐四年建即皇帝位子衍嗣後唐同光三年降唐黃志引孫陳志

### 五代

梁明宗四年二月以孟知祥檢校太尉行成都尹劍南東西兩川節度管內觀察處置統押近界諸蠻安撫制置等使

後蜀世家

## 桐梓縣志

### 卷七

軍務志上

二六

西南鉛石印制局代印

後唐閔帝應順元年孟知祥據成都三十六州正安志

唐室末造珍播溱夷悉為蠻酋所據朝廷以其邊遠不復問王建於天復三年封蜀王旋即皇帝位知祥於明宗四年册封蜀王明年即皇帝位前後蜀均以大國稱帝志所謂相繼據其也當即在降黔南取渝瀘及統押近界諸蠻

前後黃志

晉天福五年春二月楚平羣蠻通鑑

楚馬殷子希範襲爵封王天福四年加天册上將軍溪州刺史彭士然率錦獎諸蠻攻澧州希範遣劉勗劉全明等以步卒五千擊之士然大敗率諸蠻酋降於勗於是南寧州酋長莫彥殊率其本部十八州都雲酋長尹懷昌率其昆明等十二部祥柯張萬溶率其夷備等七州皆附於希



範

五代史楚世家宏簡錄畧同  
楚亡於周廣順元年

按（宋史蠻夷傳）西南諸夷下云有漆南二州夷頗盛  
強皇祐初詔自今歲遣使者存問之此漆州夷在今正  
安與南川一帶叙州三路蠻下云南廣蠻在叙州慶符  
以西為州十有四大觀三年夷酋羅永順楊光榮李世  
恭等各以地內屬詔建滋純祥三州此南廣蠻在今仁  
懷接瀘州一帶渝州蠻下云古板楮七姓蠻唐南平獠  
也其地西南接烏蠻昆明哥蠻大小播州部族數十居  
之又云木攀首領趙泰以地內屬此渝州蠻在今桐梓  
與綦江一帶高州蠻下云故夜郎也在涪州西南宋初  
其酋田先以地內附賜名珍州此高州蠻在今正安接  
彭水一帶（地理志）珍州下云唐末沒於夷大觀二年

桐梓縣志

卷七

軍務志上

二七

黔南山石印刷局代印

大駱解上下族帥獻其地復建為漆州（宋史紀志）稱  
駱文貴駱世華即所謂上下族此大駱夷在今正安接  
綏陽一帶（宋朝事實）承州下云大觀二年蘇平帥任  
漢崇獻地改為承州此蘇平夷在今綏陽接龍泉婺川  
一帶合而觀之各酋豪據有諸地必不在宋以後始然  
（蠻夷傳）云唐李之亂蠻酋分據其地自署為刺史  
又云每三二百戶為一州州有長想自唐僖昭而後舊  
時黔中採訪使管內諸州所在皆如是耳後來各獻所  
據（宋朝事實）謂但據夷人所指以置縣則名雖唐  
之州縣而地大半非其舊矣論沿革於唐宋之際者又  
不可不知此

何志

宋



神宗熙寧八年十一月熊本擊渝州獠平之

渝州南川獠木斗叛詔本安撫之本進營銅佛壩木斗舉漆州地五百里來歸為四砦九堡建銅佛壩為南平軍續鑑綱目

卽今陳家壩

渝州蠻者南平獠也其地西南接烏蠻昆明哥蠻大小播州部族數十居之治平中熟夷李光吉梁秀等三族據其地至熙寧二年轉連使孫固判官張銑使馮儀並簡杜宅行進兵復寶化砦平蕩三族朝廷因補土人王進才充巡檢委之控扼進才死部族無所統數出盜邊朝廷命熊本討之建為南平軍以渝州南川涪州隆化隸焉節宋史詳土官

元豐四年南平酋長楊光震助官軍破瀘夷羅乞弟殺其黨阿

訛孫志

桐梓縣志 卷七 軍務志上

寧宗嘉定六年八月思州田宗範謀作亂夔州路安撫司遣兵

討平之通志

理宗寶祐四年五月羅氏鬼國遣報思播言元兵屯大理國取道西南將大入邊詔思播結約羅鬼為援

五年四月元兵攻苦竹隘詔京湖調兵援應

十一月詔三邊郡縣官毋擅離職守諸制帥臣共嚴糾察並同上

端宗景炎元年春元軍入重慶府播思等州皆降於元孫志

元

世祖至元十四年招諭南平軍降田楊二家及豕鵝夷民亦各

遣使納款元史

十六年夏四月敕發思播田楊二家軍二千從征緬孫志

二十九年春正月丙辰播州洞蠻藉戶懷疑竄匿降詔招集之



之

按招集洞民詔云爰自前宋歸附十有餘年閱實戶數  
乃有司當知之事諸播皆然非獨爾播自今以往咸奠  
厥居流移失所者招諭復業有司常加存恤毋致煩擾  
重困吾民

元史地理志

初楊漢英行播州軍民安撫使至是為紹慶珍州南平等  
處沿邊宣慰使行播州軍民宣撫使播州等處管軍萬戶

仍佩虎符

孫志

五月命思播等處拘刷亡宋避役手號軍人以增鎮守

同上

十二月乙未遣使督思播二州及鎮遠黃平發宋舊軍八千

人從征安南

元史

成宗大德元年閏十二月乙卯播州宣撫使楊漢英請以己

桐梓縣志

卷七

軍務志上

二一九

黔南鉛石印刷局代印

力討平伐等未附蠻夷

元史

五年右丞劉深征八百媳婦師出播州境

孫志

六年九月都督劉二霸師出播州境

元史傳

按陳天祥論征西南夷疏右丞劉深遠征八百媳婦國  
此乃得已而巳之兵也彼荒裔小邦遠在雲南之西  
南又數千里深既不能制亂反為亂眾所制軍中乏糧  
人自相食計窮勢蹙倉皇退走土兵隨擊以致大敗深  
棄衆奔逃僅以身免喪兵十八九棄地千餘里朝廷再  
發陝西河南江西湖廣四省諸軍使劉二霸都總督以  
圖收復叛地湖北湖南大起丁夫運送軍糧至播州交  
納其正夫與擔負自己糧食者通計二十餘萬正當農  
時興此大役驅愁苦之民往迺數千里中軍勞民擾未



見休期只深一人是其禍本云云節元史原疏

五年五月雲南土官宋隆濟叛水西土官之妻蛇節應之

十一月遣劉國傑及也光忽都魯將兵征隆濟

六年十一月國傑裨將宋光大敗蛇節

七年四月國傑師出播州境大敗蛇節於墨特川庚辰蛇節

降丁亥誅蛇節

八年正月雲南順元同知宣撫事宋阿重生擒其叔隆濟來

獻通志上同

武宗至大三年正月乖西蠻入寇調思播土兵討捕通志

仁宗延祐五年冬十一月乙丑播州南甯長官洛麼作亂朝

命思州守臣換住章招諭之

今考何志載李正開挂靖洛將軍印惟稱正開乃明天啓

桐梓縣志卷七 軍務志上

時李長榮次子長榮以從征奢崇明功官至參將次子正開崇禎時由都司陞總兵永歷時總理川湖貴州軍務挂靖洛將軍印以為靖洛封號始於延祐間其時代遠隔三百餘年以為始於永歷間其時又無征洛之役特並附載以備考核

泰定帝二年秋七月丙辰播州蠻黎平愛等集羣夷為寇湖

廣行省請兵討之不許詔播州宣撫使楊也里不花即楊嘉真

招諭之元史紀及通志下同

三年春正月楊燕里不花招諭蠻酋黎平愛等來降

六月播州蠻黎平愛復叛台謝烏窮為寇楊燕里不花招平

愛出降烏窮不附命湖廣行省討之

文宗天歷二年四川蘘加台攻播州猫兒壩宣慰使楊延聖



不花開關迎之因遣請王月魯帖木兒等至播招諭楊延里不花降

孫志

按貓兒壩在今松坎西十里或即今之酒店壩

順帝至正二十三年僞夏明玉珍據成都稱王僭號以寶英為參政鎮播州

孫志

按(元史本紀)明玉珍初為紅巾賊黨倪文俊僞元帥據守川蜀改珍州思寧等處長官司珍州為真州楊璟諭明昇檄曰足下疆場南不過播州自是至明洪武四年播並屬明氏

黃志

明

太祖洪武元年詔播州宣慰楊鑑率蕃兵二萬為征虜將軍傅友德先鋒

桐梓縣志

卷七

軍務志上

三二

四年將軍傅友德討明昇破之真州鄭瑚以兵從

孫志上同

通鑑輯覽

先是播州致仕宣慰楊輝言所屬天壩干

壩寨名在今遵義府播州廢司境

地及重安司所轄灣溪等寨屢被生苗竊據請王師進討詔瓚親至播州諭還侵地不服即征之自是攻敗諸苗奏設安寧宣撫司以輝子官為之詔從其請

同上

孝宗宏治十四年調播州兵五千征貴州賊婦米魯等

明史稿

武宗正德五年重慶人曹弼糾播州寇川南

正德中吳景官四川僉事守江津重慶人曹弼亡命播州糾眾寇南川謀與大盜藍廷瑞合六年正月逼江津吳景迎擊城陷不屈死

明史忠義傳



世宗嘉靖三十三年調水西兵聲討楊烈助逆罪遂擒眞州  
亂苗盧阿項

(明史稿)眞州亂苗盧阿項稱亂四川總督馮岳調總兵  
石邦憲以兵七千擊敗之有言賊求援於播者邦憲曰吾  
方調水西兵聲討楊烈助逆罪烈暇救人乎已擒阿項父  
子斬獲四百餘人岳乃奏三省接壤民苗之衝若四川餘  
慶之走馬坪播州之三度關貴州之龍泉司各立哨堡於  
重慶偏橋等衛委指揮三人督兵防守之

神宗萬歷十四年調播州兵征松番

(明會典)穆宗隆慶二年仍以播州專隸四川至是松番  
諸番作亂巡撫徐元泰決計大征命遊擊周于德將播州  
兵爲前鋒六月班師

桐梓縣志

卷七

軍務志上

三三

(明史)十五年七月李應祥平越駕諸衛師旋徐元泰益  
徵播州西陽諸土兵合五萬人令應祥督邊之垣朱文達  
及周于德三道入討印部屬夷以其地置屏山縣

何志

二十二年春四川巡撫王繼光遣參將郭成總兵劉承嗣統  
兵征楊應龍全軍覆於白石口成僅以身免

恭江志

按孫志萬歷十八年貴州巡撫葉夢熊疏論應龍兇惡  
狀巡撫陳效歷數應龍二十四大罪時方防禦松潘調  
宣慰土官兵協守四川巡撫李化龍疏請暫免勘問俾  
應龍戴罪圖功由是川貴撫按疏辨在蜀者謂應龍無  
可勘之罪在黔者謂蜀有私暱應龍之心於是給事中  
張希皋等以事屬重大兩省利害豈漫不相關者乞從  
公會勘無執成心十九年夢熊主議播州所轄五司改



土爲流悉屬重慶與化龍意復相左化龍遂引嫌求斥  
蓋應龍本雄猜阻兵嗜殺所轄五司七姓悉叛離嬖妾  
田雌鳳屠妻張氏並及其母於是妻叔張時照與所部  
何恩宋世臣等上變告應龍反夢熊請發兵勦之而蜀  
中士大夫率謂蜀三面鄰播屬裔以什百數皆其彈壓  
且兵驍勇數征調有功剪除未爲長策以故蜀撫按並  
主撫朝議命勘應龍願赴蜀不赴黔二十年檄楊應龍  
至重慶聽勘拘留之會倭大入朝鮮徵天下兵應龍因  
奏辨願將五千兵征倭自贖詔釋之兵已啓行尋報罷  
巡撫王繼光至嚴提勘結應龍遂抗不出張時照等復  
詣奏闕下繼光用兵之議遂決至是繼光至重慶與參  
將郭成總兵劉承嗣分兵三道進婁山關屯白石口應

龍佯約降而統苗兵據關衝擊承嗣兵敗殺傷大半委  
棄輜重略盡會繼光論罷撤兵黔師協勦亦無功應龍  
上書自白遣其黨携金入京執原奏何恩詣綦江縣

二十五年秋七月播州宣慰使楊應龍叛

黃志引通鑑輯覽

（綦江志）白石口敗績後事聞上命總督議勦撫屢遣官  
諭以禍福曾負固不出二十三年勅總督侍郎邢玠勘播  
事玠至蜀察永寧酉陽皆應龍姻媾而黃平白泥久爲仇  
讐宜剪其支黨乃檄應龍謂當待以不死會水西宣慰安  
疆臣請父國亨卹典兵部尙書石星手札示疆臣趣應龍  
就吏得賞疆臣亦奉札至播招應龍當是時七姓惟恐龍  
出得除罪而四方亡命竄匿其間又幸龍反因以爲利驛  
傳文移輒從中阻四月玠檄重慶知府王士琦詣綦江趣



應龍就安穩聽勸應龍使弟兆龍至安穩治郵舍儲糧叩頭郊迎致餼牽如禮言應龍縛渠魁待罪松坎所不敢至安穩者恐墮安穩仇民不測之禍也幸請至松坎受事士琦曰松坎亦曩奏勘地也卽單騎往應龍果面縛道旁泣請死罪請治公館執罪人及罰金獻廷中得自比安國亨國亨者曩亦被訐懼罪不出界故應龍引之士琦爲請於玠許之應龍乃縛獻黃元阿羔阿苗等案驗抵應龍斬以其族得論贖輸四萬金助採木仍革職以子朝棟代受職次子可棟羅府追贖黃元等斬重慶市總督以聞時倭氛未靖兵部欲緩應龍事東方朝廷亦以應龍向有積勞可其奏而設安邊同知於松坎以綦江知縣蒲林陞任之林爲應龍素警服見林單騎至倒戈以迎隨面宣德意賊泥

桐梓縣志

卷七

軍務志上

三四

首降請旨班師犬羊性不常旋又擾扶歡堪羅王村等處報日急林奮身往追賊卽搥甲引去未幾可棟死於重慶

按揚可棟之喪後仍歸播理於泗渡棧里許杉林灣碑題明故貞忠楊公子之墓

益痛恨促喪歸不得復檄

完贖大言曰吾子活銀卽至矣擁兵驅千餘僧招魂去分遣土目置關據險厚撫諸苗名其健者爲硬手二十四年應龍殘餘慶掠大阡都堪焚劫草堂餘慶二司及興隆都勻各衛又遣兆龍圍黃平戮重安長官二十五年流劫江津及南川臨合江索其仇袁子昇縋城下磔之

按江志秦民袁子昇爲賊

犬仇聚合江賊發兵圍之指索子昇當事著蒲林往林說合江縣出子昇棄一秦囚保全衆僥倖忘者卽騰謗詔下本省速勦卒以去任林去而賊益無忌矣

時兵備王士琦調征倭應龍益統苗兵大掠貴州高坪新村諸屯已又侵湖廣四十八屯阻塞驛站詞原奏仇民宋世臣羅承恩等挈家匿偏橋衛襲破之大索城中戮其父



母淫其子女備極慘酷

並明史稿

自是叛狀顯然難逃天討矣

二十七年春三月以李化龍總督川湖貴州軍務討楊應龍

(通鑑輯覽)先是貴州巡撫江東之令都司楊國柱指揮

李廷棟率部兵三千勦應龍應龍遣子朝棟弟兆龍等迎

敵於飛練堡賊佯走天邦國誘官兵盡殲之國柱等皆死

東之罷以郭子章代而命化龍節制川湖貴三省軍事調

東征諸將劉綎麻貴陳璘董元南征六月應龍乘大兵未

集遂勒兵犯綦江城中新募兵不滿三千賊兵八萬奄至

圍綦江城數匝參軍房嘉寵遊擊張良賢率師巷戰俱死

之應龍因劫令縱囚掠庫犒師盡殺城中人投屍蔽江尋

退屯三溪益結九股生苗及黑脚苗爲助帝聞綦破賜化

龍劍假便宜討賊十月化龍移駐重慶已而應龍屯官垵

桐梓縣志

卷七

軍務志上

二五

聲言窺蜀又焚東坡爛橋楚黔路梗黃平龍泉所在告急

賊復據偏橋出掠興隆鎮遠化龍議置勁兵萬餘據守要

害通黔楚道益調諸路兵以俟大舉

黃志

二十八年夏六月李化龍率師平播州

(通鑑輯覽)楊應龍勒兵數萬五道並出時化龍徵兵大

集大會文武於重慶登壇誓師分八路進兵川師四路總

兵官劉綎由綦江入總兵官馬孔英由南川入總兵官吳

廣由合江入副將曹希彬受廣節制由永寧入黔師三路

總兵官童元鎮由烏江入參將朱鶴齡受元鎮節制統宣

慰使安疆臣由沙溪入總兵官李應祥由興隆入楚師一

路分兩翼總兵官陳璘由偏橋入總兵官陳良玘受璘節

制由龍泉入每路兵三萬官兵三之土司七之巡撫郭子



章駐貴陽湖廣巡撫支可大移沅州化龍自將中軍策應  
部署既定劉綎遂從綦江進兵破其前鋒楊朝棟僅以身  
免別將克桑木烏江河渡三關奪天邦諸國乘勝入婁山  
關屯白石口應龍率諸夷決死戰綎親勒騎衝中堅分兩  
翼夾擊敗之追至海龍圍時陳璘已破青蛇圍安疆臣亦  
奪落蒙關吳廣從崖門關入營水牛塘與賊力戰三日卻  
之遂攻燒二關奪賊樵汲路賊見勢急父子相抱哭上圍  
死守遣使詐降化龍檄諸將斬使焚書已而八路兵大集  
海龍圍下更築長圍更番迭攻賊大困會化龍聞父喪詔  
以墨縗視師化龍念賊圍前險不能越令馬孔英勒兵攻  
其後天久雨將士馳泥淖中苦戰綎先士卒克土城應龍  
益迫散金募死士拒戰諸苗皆駭散無應者起提刀巡壘

桐梓縣志

卷七

軍務志上

二六

見四面火光燭天大兵已登圍入應龍倉皇同愛妾二闖  
室自縊生擒朝棟兆龍等百餘人計出師至滅賊百十有  
四日化龍露布以聞詔磔應龍屍戮朝棟兆龍等於市

黃志

李化龍討播誓師文 蓋聞春秋之義人臣無將漢法所  
誅大逆不道逆賊楊應龍者本以夷種世厠漢官被我冠  
裳守彼爵土輒敢忘天朝豢養之恩恣鬼國凶殘之性初  
但殃及骨肉繼乃禍遍蒸黎嬰兒孕婦槩被誅夷殺將屠  
城以爲常事虐焰燔乎五司七姓淫毒漸於九溪三巴天  
地不容神人共憤皇上痛兆人之失所列辟之效尤遂伐  
暴以安民乃興師而問罪化龍等共以職守咸在戎行義  
當戡亂成平勢須分猷共濟蓋必三省之內文武將吏以  
及四海之中漢土官兵堅除凶雪耻之圖奮戮力同心之



誼庶幾共獎王室乃可必得罪人茲將鞠義旅以徂征敢用對明神而作誓曰夫惟忠可以報主惟公可以服人惟至死不二可以徇國家之急惟精白無欺可以樹掀揭之勳凡在行間請事斯語如其無二乃心克勤王事神亦陰爲庇相俾享成功若督撫鎮道及副參遊守府縣衛所大小文武等官有懷姦飾詐罔上行私乾沒軍資枉殘民命妒人則以功爲罪逃刑則以罪爲功或假公事以報私仇或因小嫌而妨大事或以是爲非以非爲是任一己之見而失三軍之心或當進不進當援不援偷一時之生而戕萬民之命或懷忠不盡退有後言或臨事避難轉生枝節或賞罰功罪之不明或南北漢土之異視或持兩端而窺利或枉三尺以徇情或造疑似影響之說以傾人或挾機

械變詐之術以利己有一於斯卽爲負國負國之人其名爲賊明神殛之死不旋踵逮及闔門永絕其嗣夫神聰明正直不偏而平一者也有人負國而不知聰明謂何有人負國而不誅正直謂何有人負國而知之誅之有不偏有不平一之謂何夫神護國祐民以食其報者也神不明則士不奮士不奮則賊不滅賊不滅則民不安民不安則凶年殺禮於神亦有不利焉敢盡布之明神惟明神其圖利

之

川貴通志

八路進兵戰紀 二月癸未播賊襲執宣慰宋承恩去承恩應龍壻也時總督李化龍已移駐重慶征兵大集遂以十二月丙戌誓師分八路路約三萬人官兵三之士司七之川師四路總兵劉綎從綦江入以參將麻鎮等隸參政



張文耀監之總兵馬孔英從南川入以參將周國柱宣撫  
冉馭龍等隸僉事徐仲佳監之總兵吳廣從合江入以參  
將徐世威等隸參議劉一相監之副將曹希彬受廣節制  
從永甯入以參將吳文傑永甯女土官奢世續等隸參議  
史旌賢監之黔師分三路總兵童元鎮統鎮雄土知府隴  
澄泗城土知府岑紹勳等由烏江參將朱鶴齡受元鎮節  
制統宣慰安疆臣等由沙溪總兵李應祥統宣慰彭元璠  
等由興隆參議張存意按察司楊寅秋監之湖廣一路由  
偏橋分兩翼總兵陳璘統宣慰彭養正等由白泥副總兵  
陳良批受璘節制統宣撫覃宜等由龍泉副使胡桂芳參  
議魏養蒙監之巡撫郭子章駐貴陽湖廣巡撫支可大移  
沅州總督李化龍自將中軍策應諭諸將以抵婁山等關

爲期且日關外且戰且招降多不可勝誅也關內疾戰勿  
受降師不可久老賊詐不可信也綦江道最要縱當之應  
龍熟縱才頗懼益兵守要害十五日諸將克丁山銅鼓崖  
村遂直搗楠木山羊簡臺三峒峒絕險賊將穆照等衆數  
萬連營諸將憚之縱分兵攻其三面大戰於李漢壩生擒  
其魁餘賊奔入峒乘勢直搗峒前焚之賊多死盡克三峒  
擒穆照及賊魁吳尙華是日縱督戰左持金右挺劍大呼  
曰用命者賞不用命者齒劍門死者四十人遂大捷三月  
應龍乃遣子朝棟惟棟及其黨楊珠統銳卒數萬由松坎  
漁渡羅古池三道並進縱伏萬人羅古待松坎賊以萬人  
伏營外待漁渡賊而別以一軍策應賊果至伏盡起縱率  
部下轉戰斬首數百追奔五十里朝棟潰圍走幾爲我師



獲應龍憚縉威名意首挫其鋒屬朝棟悉勁兵問道相角  
曰爾破綦江馳南川盡焚積聚餘無能爲也及朝棟敗益  
膽落聚守石虎關縉亦掘塹守初縉聞征播命逗遛多設  
難要朝廷言官交劾縉議調南京右府僉書縉至是聞之  
卽辭任李化龍以平播非縉不可固留之力薦於朝縉乃  
復受事遂進克石虎關拔賊滴淚三坡瓦窰坪諸隘直抵  
婁山關婁山萬峯插天叢箐中一徑纔數尺賊設木關十  
三座排柵置深坑百險俱備縉分奇兵爲左右路問道趨  
關後而自督大軍仰攻奪其關追至永安莊兩路軍亦會  
時三月二十九日也縉老將持重慮賊衝突聯諸營一據  
婁山關爲老營一據白石口爲腰營一據永安莊爲前營  
都指揮王芬者勇而寡謀每戰輒請爲前鋒連勝有輕敵

心獨營松門壩之衝距大營數里賊方有烏江之勝謀再  
奪婁山適穆照遣人洩芬孤軍狀四月朔賊乃襲殺芬守  
備陳大綱天全招討楊愈亦死失亡士卒二千人縉聞急  
往救部將周以德周敦吉夾攻賊始大奔追至養馬城而  
還是日應龍幾被獲乃不敢窺婁山縉懲前失筭近關堅  
壁且請濟師踰十餘日克後水圍營於冠子山尋會馬孔  
英壁海龍囤下

孔英道南川獨險遠去應龍海龍囤六七百里未至重慶  
時推官高折枝監紀軍事請獨當一面乃與參將周國柱  
先以石柱宣撫馬千乘兵破賊金筑復督酉陽宣撫冉馭  
龍敗賊於官壩時賊旣破龍泉方移師攻婺川聞敗乃遁  
及孔英至軍平茶邑梅兵亦集軍容甚壯先師期一日入



眞州用土官鄭葵駱麟爲鄉導別遣邊兵千扼明月關諸軍鼓行前進破四寨攻赤崖抵清水坪封寧關悉破賊營十數逼桑木關內民降者日千計折枝結三大寨處之禁殺掠降者日衆賊益孤關爲賊要害山險管深賊憑高據守三月初八日乃令千乘馭龍出關左右國柱搗其中賊用標槍藥矢銳甚官軍殊死戰奪其關逐北至風坎關賊復大敗連破九杵黑水諸關苦竹羊崖銅鼓諸寨國柱攻金子壩無一人疑有伏焚空寨十九巖兵以待賊果突出擊敗之孔英乃留王之翰兵守白玉臺衛餉道平茶邑梅兵守桑木關而親提大軍進營金子壩應龍聞桑木關破大懼遣弟世龍及楊珠以銳卒劫之翰營之翰走殺餉兵無算平茶兵來援賊始退孔英還擊世龍復不勝步卒發

火箭裨將劉勝復奮擊賊乃奔官軍進朗山口由朗山進發蒙子橋深箐翳賊處處設伏悉勦平之應龍遣其黨詐降謀爲內應折枝盡斬之伏以待賊果夜劫營伏發賊驚潰追奔至高坪已奪賊養馬城直抵海龍第二關下賊守兵益多孔英軍已深入而諸道未有至者酉陽延綏兵皆退賊躡殺官兵六十人居數日劉縉兵至乃合兵連克龍爪海雲諸圍壓海龍圍而壘初總督李化龍刻師期諸將莫利先入孔英所將邊卒及諸土兵皆癘悍監紀折枝勇而有謀故師獨先入道至圍前

吳廣出合江屯二郎埧大行招徠賊驍將郭通緒者迎戰將士襲走之陶洪安村羅村三寨土官各出降他部來歸者數萬廣擇其壯者從軍通緒扼穿崖圍廣督土漢軍擊



破之劉綬馬孔英已入播廣猶頓二郎總督李化龍趣之  
乃議分四哨進攻崖門別遣奢世續等督夷兵二千扼桑  
木埕諸要害以防饜道諸將連破數回進營母豬塘應龍  
今通緒盡發關外兵拒敵廣伏砲手五百於磨槍埕外南  
岡下而遣裨將趙應科挑戰埕兩山相夾中甚隘通緒橫  
槊衝應科科佯北通緒追出埕遇伏急旋馬中砲墮方躍  
上他馬伏兵攢刺之殪餘賊大奔官軍逐北賊盡降遂薄  
崖門徑小止容一騎賊衆萬餘出關拒戰曹希彬懸賞千  
金士攀崖競進追至第四關關上男女盡哭於是賊黨自  
殺其魁羅進恩率萬餘人出降其第一關猶拒不下廣乘  
夜疾進奪其關關內民爭獻牛酒時李應祥陳璘猶在關  
外廣台希彬軍連戰一碗水土崖分水關皆捷遂進營水

牛塘應龍知廣軍孤深入謀欲襲之乃遣人詐降廣測其  
詐堅壁以待應龍擁衆三萬直衝大營諸將殊死戰會他  
將來援賊乃退廣遂進壁海龍岡

童元鎮督永順泗城鎮雄諸土軍由烏江初元鎮先駐銅  
仁憚應龍久不進屢趣乃行時劉綬吳廣諸軍已進羣賊  
議分兵守其參謀孫時泰曰分兵則力薄乘官軍未集先  
破其弱者餘自退矣應龍善之聞元鎮將抵烏江應龍曰  
此易與耳縱之渡江密以計取監軍楊寅秋言烏江去播  
不遠宜俟諸道深入協力齊驅元鎮不從於是永順兵先  
奪烏江賊遣千餘人沿江叫罵以誘之諸軍既濟復奪老  
軍關前哨參將謝崇爵乘勢督泗城及水西兵再拔河渡  
關三月望賊以步騎數千先衝水西軍軍中驅象出戰賊



多傷俄駕象者斃象反走擲火器者又誤擊己營陣亂泗城兵先走崇爵亦走爭浮橋橋斷殺溺死者數千人河渡既敗烏江軍相去六十里猶未知明日參將楊顯發永順兵三百出哨道遇賊數萬咸爲水西裝永順兵不疑與盟誓賊掩殺三百人亦襲其裝直趨烏江烏江軍信爲水西永順兵不設備遂爲賊所破爭先渡江賊先斷浮橋數千人皆溺死顯及二子與焉元鎮所部三萬人不存什一將校止崇爵等三人江水爲不流貴陽聞警居民盡避入城遠近震動化龍用上方劍斬崇爵益征兵檄鎮雄土官隴澄邀賊歸路

隴澄者卽安堯臣水西安疆臣弟也軍不與元鎮合獨全當事頗疑其通賊寅秋以鎮雄去播止二日令搗巢立效

澄許之河渡未敗時澄已遣步將劉岳王嘉猷攻拔苦竹關及牛壩嶺既敗二將移新站賊伏兵大水田別以五千人來襲敗還嘉猷乃揚聲搗大水田而潛以一軍拔大夫關直抵馬坎斷賊歸路與疆臣合賊遂遁會都指揮徐成將兵至合岑紹勳兵再克河渡關賊將張守欽袁五受據長箐萬丈林永順兵擊破之生擒守欽攻清潭洞復擒五受會朝議責元鎮敗狀逮下獄令李應祥并將其軍應祥由興隆入受事於二月下旬副將陳寅等已連克數圍拒賊四牌高圍下別遣兵從間道直搗龍水圍他將蔡兆吉又自乾坪抵箐岡過四牌賊首謝朝俸營其地四面峭壁深箐賊從高鼓譟官軍殊死戰俘朝俸妻子乘勢抵河畔會烏江敗書聞斂兵不進者旬日應祥已受任趣諸



將急渡寅等乃取他道渡河而潛爲浮橋以濟師諸軍旣渡賊失險乞降者相繼應祥悉受之賊所恃黃灘一關壁立衆死守會賊徒石勝俸等率萬餘人降告曰去黃灘三十里有三關入播門戶也先襲破之則黃灘孤難守應祥然其計令偕陳寅率精卒四千夜抵關下勝俸以數十騎誘開前門盡殲其戍卒黃灘賊懼益增兵固守寅督諸將渡河攻關前勝俸由墳林暗渡襲關後賊乃大敗應祥遂直抵海龍圍

陳璘由偏橋進軍次白泥應龍子朝棟率賊二萬渡烏江迎戰璘前禦之而分兩翼躡其後賊少挫追奔至龍溪山賊合四牌賊共拒璘四牌在江外與江內七牌皆五司遺種九股惡苗素助賊璘廣招撫乃進軍龍溪諜報有伏令

游擊陳策以火器擊之賊據險矢石雨下璘先登斬小校退者以狗把總吳應龍等陷陣賊大潰退拒四牌保兒圍璘遣二裨將逼之中伏璘募死士從應龍等奮擊賊復潰奔據回巔夜由後遁黎明追及於袁家渡賊復敗悉渡江遁四牌之賊遂盡三月望諸軍爲浮橋渡江知賊將張佑謝朝俸等營七牌野豬山璘卽夜發抵苦練坪前鋒與戰後軍至夾擊之賊敗逃深箐官軍遂入苦菜關會童元鎮烏江師敗璘大懼請退師李化龍不可璘乃進營楠木橋次涓潭賊悉聚青蛇長坎瑪瑙保子四圍地皆險絕而青蛇尤甚璘議同日攻則兵力弱止攻一圍則三圍相助乃先攻三圍次及青蛇良坻師亦來會令伏圍後別以一軍守板角關防賊逸璘督諸將力攻三日賊死傷無算三圍



遂下青蛇四面陡絕璘圍其三面購死士從瑪瑙附葛至  
山背舉砲賊惶駭諸軍進攻焚其茅屋賊退入國內木石  
交下將士冒死上燬大柵二重前後擊之賊大敗七牌之  
賊亦盡時四月十三日也乃分兵六道攻克大小三渡關  
乘勝抵海龍圍

海龍圍者賊所倚天險飛鳥騰猿不能踰者及諸路兵俱  
集圍下賊見勢急父子相抱哭上圍死守每路投降文緩  
我師化龍檄賊詭降卽斬使焚書無爲所給虞緹與應龍  
舊檄無通賊緹械其人自明賊詭令婦人於圍上拜表痛  
哭云田氏且降詐爲應龍仰藥死報吳廣廣輕信按兵不  
動已覘知田氏詐降緩攻而所云應龍死乃川兵攻圍以  
火砲擊死所謂楊珠也珠驍勇善戰旣死賊痛如失左右

手廣覺詐益兵協攻燒二關奪三山絕賊樵汲五月十八  
日始築長圍化龍令諸將分日迭攻安疆臣攻圍後受賊  
重賄多與通且潛以火藥貽賊故賊不備其後陳璘知之  
與監軍者謀令疆臣退一舍璘移其處置鉄牌百餘距圍  
丈許賊强弩無所施又爲籬板於柵前賊每夜出劫爲釘  
傷不敢復出會化龍聞父喪詔以墨縗視事化龍跣而草  
檄益治軍時天苦雨將士馳泥淖中苦戰六月四日天忽  
開朗五日劉縉身先士卒進克土月二城應龍益迫夜散  
數千金募死士拒戰諸苗皆駭散無應者起提刀自巡壘  
見四面火光燭天徬徨長嘆泣與妻子曰吾不能復顧若  
矣六日陳璘與吳廣當進兵璘夜四鼓啣枚上賊鼾睡斬  
其守關者樹白幟鳴砲賊大驚潰散廣兵亦至應龍倉皇



同愛妾二闔室縊且自焚廣獲其子朝棟及妾田雌鳳急  
覓屍出焰中廣中火毒失聲幾絕頃而蘇自出師至滅賊  
百十有四日總督李化龍露布以聞十二月庚辰督撫李  
化龍郭子章江鐸俘楊朝棟等獻於闕下丙寅上御樓受  
之羣臣稱賀命磔楊朝棟於西市釋宋承恩黃志引貴州通志  
播賊躡綦後神宗震怒命兵部侍郎李化龍恭行天討化  
龍視綦境內萬竈無煙百里盡赤急需守令因疏推萬縣  
知縣周作樂升本府同知來攝縣事有本官吏治最優擬  
地最善但綦江重任非此人不足當之事竣另行優異之  
語周奉命單車於庚子正月七日馳受事比至破城穢骨  
暴露猶填巷道蓬蒿滿目瓦礫縱橫因張榜招集遺黎補  
葺綢繆稍成人境倏傳賊目張漢清統苗入境傷弓之鳥

桐梓縣志

卷七

軍務志上

四五

聞風欲散周繫印危坐謂天戈不日西指反賊子危於累  
卵何敢復來申諭再三離心始定乃請兵以備防守請銀  
以便應用議速進兵以收武功議寬投降以昭文德急發  
軍令以安小民悉從其請問架既定復籌五策曰謹詐降  
曰慎防守曰約會期曰速餉運曰嚴紀律當事優語褒答  
稱爲經略鴻猷是年卽成戡定殊勳一切善後事宜妥帖  
周詳尤有力焉府志引綦江舊志

二十九年正月壬子頒平播詔於天下

通志

三十一年播州餘逆吳洪盧文秀等叛總兵李應祥等討平

之

黃志引明史稿

洪本應龍用事長官見應龍敗遂避平定後復業與其黨  
盧文政劉堯等見改土設流法度嚴密借新民占產糾合



沙溪苗夷議立楊三老為宣慰徧諭夷漢頭目將以十一月初九舉事兵備副使傅光宅知府蔡鳳梧會同總兵李應祥先期擒斬之四川舊志

熹宗天啓元年辛酉九月永寧土司奢寅調兵謀逆陷重慶遣逆目扶國禎破遵義殺掠一空陳志奢應周入桐梓知縣

洪維翰死之師志

(通鑑輯覽)崇明外恭陰鷲子寅尤驍桀好亂時朝廷方遣官募川兵援遼崇明父子請行先遣土目樊龍張彤等領兵詣重慶巡撫徐可求議汰其老弱龍等遂反殺可求及道府總兵官據重慶分兵攻瀘州合江納溪破瀘州陷遵義崇明統所部與徼外雜蠻凡數十萬播州遺孽及諸亡命奸人蠱起附之全蜀震動乃進圍成都僞號大梁左

布政使朱燮元將入覲蜀王留治軍事燮元急趨近道兵赴援分陴固守百餘日圍解燮元亦已授四川巡撫帥師復州縣衛所黃志同洪維翰事詳秩官志

十二月復遵義

(通志)天啓元年宣慰司同知安邦彥詣巡撫李樛請援遼欲乘以起事樛諭止之歸益為反謀樛累疏乞增兵餉置不問樛被劾六疏乞休十月始得請以王三善代而崇明已陷重慶遵義貴陽大震樛遂留視事貸銀募兵治戰守具而急遣總兵官張彥才都司許成名黃連清監軍副使朱芹提學僉事劉錫鉉等援四川戰屢捷遂復遵義綏陽湄潭正安桐梓諸州縣同上

二年三月復重慶已而遵義再陷



(明史)朱燮元授巡撫率川卒追崇明江安新都義遵諸郡邑皆復時二年三月也燮元以計擒樊龍殺之張彤亦為亂兵所殺生擒龍子及其黨衆三十餘人遂復重慶時安邦彥反於貴州崇明遙倚為聲援上同

三年五月四川總督朱燮元克永寧奢崇明走龍場副總兵秦衍祚再復遵義

(通鑑輯覽)川兵既克重慶貴州兵亦復遵義已而遵義再為賊所陷推官馮鳳雛被殺朝議加燮元兵部侍郎為四川總督討賊至是燮元謀直取永寧拔之副總兵秦衍祚等亦克遵義崇明父子勢蹙乃率餘衆走水西龍場借兵安邦彥邦彥遣二軍窺遵義永寧燮元敗走之諸將乘勝墜入龍場生擒崇明妻安氏及其弟崇輝斬獲萬餘崇

桐梓縣志

卷七

軍務志上

四七

明父子竄深箐得免時燮元以永寧既拔蜀中已靖遂不窮追而貴州巡撫王三善以崇明竄入水西合師進討連破賊有輕敵心會糧盡退師賊躡之總兵秦明屏參將王建中戰歿三善遂為降賊陳其愚所害於是賊勢復張節黃志

五年春正月以朱燮元總督雲貴川湖廣西軍務駐遵義

(綱目二編)貴州官軍屢為安邦彥所敗廷議以川帥不協助宜令一人統之乃進燮元兵部尙書總五省軍駐遵義明年賂賊黨誘殺奢寅崇明年老無能為邦彥亦乞撫燮元聞於朝許之未幾以父喪去賊復熾

莊烈帝崇禎元年夏六月仍起朱燮元總督五省討賊明年秋平之

(蠻司合誌)燮元至檄滇兵下烏撒蜀兵出永寧畢節扼



各路要害而親率大軍駐六廣以逼大方時崇明號大梁王邦彥號四裔大長老其下各號元帥悉力趨永寧先犯赤水燮元授意許成名佯敗引之深入度賊已抵永寧分遣林兆鼎從三岔入王國禎從六廣入劉養鯤從遵義入邦彥分兵四應力不支羅象乾復以奇兵繞出其背急擊之崇明邦彥皆被傷斬其首以獻安位降賊平均同上

十年調遵義兵援成都

十七年流賊張獻忠陷全川惟遵義保境自守  
十年丁丑李自成由漢中趨攻廣元總兵侯良柱戰死賊逼成都故調援兵蜀甲申六月張獻忠陷重慶八月率眾三十萬陷成都全川鼎沸獨遵義為王祥所守均崇明以其前大學士王應熊為兵部尚書督師駐遵義討蜀寇通鑑

桐梓縣志 卷七 軍務志上 四八

覽祥王祥者綦江思灘里人崇禎初入邑武庠恒於馬上挽強弓作霹靂響因入營伍為九盤子隘官張獻忠破渝全川覆沒南北聲息不通因據遵義自守遵義設未久城郭不備祥急切補修遣兵分守關隘賊佔成都後掠全川郡縣惟畏祥不敢近蜀東南半角得以保全順治二年明福王命大學士王應熊總督川湖雲貴軍務專辦川寇時蜀中諸郡破壞惟祥守遵義八年獨完善應熊由綦馳往祥數十里郊迎執手悲切諸軍政聽應熊處置遂築壇縞素誓師傳檄遠近討賊福王以應熊為經略賜上方劍王祥掛征討將軍印後祥封忠國公賜諡節愍節崇江志

丁亥春正月流賊餘黨孫可望陷遵義



初流賊張獻忠戮蜀人幾盡肅親王豪格兵出保寧射獻忠墜馬死其僞軍師孫可望僞將軍李定國劉文秀艾能奇僞都督白文選馮雙禮等收敗卒奔重慶時川中諸將競擁兵自固重慶曾英兵敗死於江賊遂陷綦江督師大學士王應熊退走永寧山中尋病卒於踰月賊陷遵義入貴州境黃志何三月清兵至遵義孫可望聞風屠貴陽城入滇清軍旋引還保寧通志

是年冬姚黃賊黨蹂躪婁化夜郎二里一帶地方

姚黃卽姚天動黃龍皆川賊起明崇禎間巡撫陳士奇勦滅之

袁韜者沔人因姦婦事發逃投響馬繼姚黃爲賊乘獻忠入成都據蓬州儀隴南郡諸地數年間烏合愈衆分爲十

桐梓縣志

卷七

軍務志上

四九

二大隊並連合武大定等十三家或稱四家卽於順治五年出入巴渠巫峽間四年冬由正安入至綏陽五年正月三日至綦江道出夜婁經過之處搜殺如洗以人爲糧斗米三十金無買處於是羣虎白日出遊四野荒涼不堪言狀按婁里婁吳各姓舊譜云是時各家十不存一以上節黃志

己丑王祥於遵義發種招耕

庚寅孫可望使白文選攻遵義忠國公王祥死之

壬辰夏孫可望遣白文選由遵義出重慶曾劉文秀馮雙禮

等於嘉定以圖成都上恭江志

丁酉明桂王遣李定國討孫可望設官遵土陳志

九月孫可望叛桂王與晉王李定國交攻可望大敗走降於

清仍請兵攻桂王恭江志